

কি কি কারণে ঈমান ও ইছলাম ভঙ্গ বা বিনষ্ট হয়?

ইছলাম ভঙ্গ ও বিনষ্টকারী অনেকগুলো কারণ রয়েছে। তন্মধ্যে মৌলিক ও প্রধান দশটি কারণ হলো নিম্নরূপ:-

(১) 'ইবাদাতে আল্লাহর সাথে শরীক বা অংশীদার নির্ধারণ করা।

এর প্রমাণ হলো আল্লাহর (ﷻ) এ বাণী:-

وَيَعْبُدُونَ مِنْ دُونِ اللَّهِ مَا لَا يَضُرُّهُمْ وَلَا يَنْفَعُهُمْ وَيَقُولُونَ هَؤُلَاءِ شَفَعَاؤُنَا عِنْدَ اللَّهِ فَلَنْ نُنبِئُنَهُمْ بِمَا لَا يَعْلَمُونَ فِي السَّمَاوَاتِ وَلَا فِي الْأَرْضِ سُبْحَانَهُ وَتَعَالَى عَمَّا يُشْرِكُونَ.^১

অর্থাৎ- এবং তারা উপাসনা করে আল্লাহকে বাদ দিয়ে এমন বস্তু, যা না তাদের কোন ক্ষতিসাধন করতে পারে না লাভ এবং বলে- “এরা তো আল্লাহর কাছে আমাদের সুপারিশকারী”। আপনি বলুন! তোমরা কি আছমান ও যমীনের এমন বিষয়ে আল্লাহকে অবহিত করছ, যে সম্পর্কে তিনি অবহিত নন? তিনি পুতঃপবিত্র ও মহান সে সমস্ত থেকে, যা তোমরা শরীক করছো।^২

সুতরাং যে ব্যক্তি 'ইবাদাতে আল্লাহর সাথে কোন কিছুকে অংশীদার করবে, তার ঈমান বিনষ্ট হয়ে যাবে এবং সে ইছলাম বহির্ভূত; কাফির-মুশরিক বলে গণ্য হবে।

(২) নিজের ও আল্লাহর মধ্যে কাউকে মাধ্যম নির্ধারণ করা, তার নিকট সুপারিশ প্রার্থনা করা, তাকে আহ্বান করা, তার উপর ভরসা করা ইত্যাদি।

ক্বোরাইশের কাফির-মুশরিকরা এ জাতীয় শিরকেই লিপ্ত ছিল। আল্লাহর নৈকট্য লাভের জন্য তারা কতক মাধ্যম ও সুপারিশকারী সাব্যস্ত করেছিল। অথচ তারা রুবুবিয়াহ বা পালনকর্তৃত্বে আল্লাহর একত্বে বিশ্বাসী ছিল। তাদের এ ধরনের শিরক সম্পর্কেই আল্লাহ ﷻ ইরশাদ করেছেন:-

أَلَا لِلَّهِ الدِّينُ الْخَالِصُ وَالَّذِينَ اتَّخَذُوا مِنْ دُونِهِ أَوْلِيَاءَ مَا نَعْبُدُهُمْ إِلَّا لِيُقَرِّبُونَا إِلَى اللَّهِ زُلْفَىٰ إِنَّ اللَّهَ يَحْكُمُ بَيْنَهُمْ فِي مَا هُمْ فِيهِ يَخْتَلِفُونَ إِنَّ اللَّهَ لَا يَهْدِي مَنْ هُوَ كَاذِبٌ كَفَّارٌ.^৩

অর্থাৎ- জেনে রাখুন, নিষ্ঠাপূর্ণ 'ইবাদাত আল্লাহরই জন্যে। যারা আল্লাহ ব্যতীত অন্যকে উপাস্যরূপে গ্রহণ করে এবং বলে যে, আমরা তাদের 'ইবাদাত এ জন্যেই করি, যেন তারা আমাদেরকে আল্লাহর নিকটবর্তী করে দেয়, নিশ্চয় আল্লাহ তাদের মধ্যে তারা যে বিষয়ে মতবিরোধ করছে সে ব্যাপারে ফায়সালা করে দেবেন। আল্লাহ মিথ্যাবাদী কাফিরকে সৎপথে পরিচালিত করেন না।^৪

১. سورة يونس - ১৮

২. ছুরা ইউনুছ- ১৮

৩. سورة الزمر - ৩

বর্তমান যুগেও নিজেদেরকে মুছলমান বলে দাবিদার এমন কতক লোক রয়েছে, যারা জীবিত কিংবা মৃত বিভিন্ন ব্যক্তিবর্গ সম্পর্কে, কিংবা কোন তারকা, নক্ষত্র, গাছ, পাথর ইত্যদি সম্পর্কে, কিংবা আল্লাহ ভিন্ন তাদের কোন উপাস্যের আদলে (আকৃতিতে) গড়া মূর্তি, প্রতিমা ও ছবি সম্পর্কে এ ধারণা পোষণ করে যে, এগুলো তাদের জন্য আল্লাহর নিকট সুপারিশকারী, কিংবা জগত পরিচালনায় এদেরও কিছু ক্ষমতা ও কর্তৃত্ব রয়েছে, এগুলো তাদের সমস্যার সমাধান করে দিতে বা প্রয়োজন পূরণ করে দিতে, কিংবা বিপদ-আপদ থেকে উদ্ধার করতে সমর্থ ও সক্ষম। এসব কাজ যারা করে, তারা যদিও নিজেকে ঈমানদার ও মুহাম্মাদ ﷺ এর অনুসারী বলে দাবি করে, কিন্তু প্রকৃতপক্ষে তারা হলো ইছলাম বহির্ভূত; কাফির-মুশরিক। ইছলামের নাবী মুহাম্মাদ ﷺ এ জাতীয় শির্ককে ঘৃণা ও প্রত্যাখ্যান করেছেন এবং মাক্কার কাফির-মুশরিকসহ গোঁটা মানবজাতিকে এ ধরনের শির্ক সম্পূর্ণরূপে পরিহার ও বর্জন করার আহ্বান জানিয়েছেন। আল্লাহ ﷻ ইরশাদ করেছেন:-

قُلْ ادْعُوا الَّذِينَ زَعَمْتُمْ مِنْ دُونِ اللَّهِ لَا يَمْلِكُونَ مِثْقَالَ ذَرَّةٍ فِي السَّمَاوَاتِ وَلَا فِي الْأَرْضِ وَمَا لَهُمْ فِيهَا مِنْ شِرْكٍ وَمَا لَهُ مِنْهُمْ مِنْ ظَهِيرٍ. وَلَا تَنْفَعُ الشَّفَاعَةُ عِنْدَهُ إِلَّا لِمَنْ أَذِنَ لَهُ. ٤

অর্থাৎ- বলুন! তোমরা তাদেরকে আহ্বান করো, যাদেরকে উপাস্য মনে করতে আল্লাহ ব্যতীত, তারা নভোমন্ডল ও ভূ-মন্ডলের অণু পরিমাণ কোনকিছুর মালিক নয়, এদু'য়ের মাঝে তাদের কোন অংশও নেই এবং তাদের কেউ আল্লাহর সহায়কও নয়। যার জন্যে অনুমতি দেয়া হয়, তার জন্যে ব্যতীত আল্লাহর কাছে কারও সুপারিশ ফলপ্রসূ হবে না।^৫

অন্য আয়াতে আল্লাহ ﷻ ইরশাদ করেছেন:-

وَلَكِنْ سَأَلْتَهُمْ مَنْ خَلَقَ السَّمَاوَاتِ وَالْأَرْضَ لَيَقُولُنَّ اللَّهُ قُلْ أَفَرَأَيْتُمْ مَا تَدْعُونَ مَنْ دُونِ اللَّهِ إِنْ أَرَادَنِيَ اللَّهُ بِضُرٍّ هَلْ هُنَّ كَاشِفَاتُ ضُرِّيهِ أَوْ أَرَادَنِي بِرَحْمَةٍ هَلْ هُنَّ مُمْسِكَاتُ رَحْمَتِهِ قُلْ حَسْبِيَ اللَّهُ عَلَيْهِ يَتَوَكَّلُ الْمُتَوَكِّلُونَ. ٩

অর্থাৎ- যদি আপনি তাদেরকে জিজ্ঞেস করেন, আছমান ও যমীন কে সৃষ্টি করেছেন? তারা অবশ্যই বলবে- আল্লাহ। বলুন, তোমরা ভেবে দেখেছ কি, যদি আল্লাহ আমার অনিষ্ট করার ইচ্ছা করেন, তবে তোমরা আল্লাহ ব্যতীত যাদেরকে ডাকো, তারা কি সে অনিষ্ট দূর করতে পারবে? অথবা তিনি আমার প্রতি রাহ্মাত করার ইচ্ছা করলে তারা কি সে রাহ্মাত রোধ করতে (ঠেকাতে) পারবে? বলুন, আমার জন্য আল্লাহই যথেষ্ট। নির্ভরকারীরা তাঁরই উপর নির্ভর করে।^৬

৪. ছুরা আয্ যুমার- ৩

৫. سورة سبأ - ২২-২৩

৬. ছুরা ছাবা- ২২-২৩

৭. سورة الزمر - ২৮

আল্লাহ ﷻ আরো ইরশাদ করেছেন:-

وَاتَّخَذُوا مِنْ دُونِ اللَّهِ آلِهَةً لِيَكُونُوا لَهُمْ عِزًّا. كَلَّا سَيَكْفُرُونَ بِعِبَادَتِهِمْ وَيَكُونُونَ عَلَيْهِمْ ضِدًّا.^৯

অর্থাৎ- তারা আল্লাহ ব্যতীত অন্যান্য ইলাহ (উপাস্য) গ্রহণ করেছে, যাতে তারা তাদের জন্যে সাহায্যকারী হয়। কখনই নয়, তারা (উপাস্যরা) তাদের 'ইবাদাত অস্বীকার করবে এবং তাদের বিপক্ষে চলে যাবে।^{১০} মুছলমান বলে দাবিদার অনেককে দেখা যায় যে, তারাও মুশরিকদের অনুসরণ ও অনুকরণে কুব্বর-মাযারকে ভক্তি-শ্রদ্ধা ও পূজা করছে। কুব্বর ও মাযারবাসীর উদ্দেশ্যে পশু জবাই ও বিভিন্ন প্রকার নয়র-মানত পেশ করছে। তাদের নিকট নিজের সমস্যা সমাধান করে দেয়ার বা প্রয়োজন পূরণ করে দেয়ার জন্য প্রার্থনা করছে এবং তাদেরকে নিজেদের ও আল্লাহর মধ্যে মাধ্যম বলে বিবেচনা করছে। প্রকৃতপক্ষে এসব কাজই হলো সুস্পষ্ট কুফর ও শির্ক। তাই যে ব্যক্তি এ ধরনের কোন কাজ করবে, তার ঈমান বিনষ্ট হয়ে যাবে এবং সে ইছলাম বহির্ভূত, কাফির-মুশরিক বলে গণ্য হবে।

(৩) ধর্মত্যাগী মুরতাদ ও মুশরিকদেরকে কাফির-মুশরিক বলে মনে না করা, কিংবা তারা যে কাফির-মুশরিক, সে বিষয়ে সন্দেহ পোষণ করা অথবা তাদের পথ ও মতকে সঠিক বলে বিশ্বাস করা। এমনিভাবে এ ধরনের কোন কথা বলা যে, ইয়াহুদী, খ্রিষ্ট, ইছলাম, সব ধর্মই সঠিক ও সত্য এবং এসকল প্রতিটি ধর্মই তার অনুসারীকে আল্লাহ পর্যন্ত পৌঁছায়। তাই যার যে ধর্ম ইচ্ছা ও পছন্দ হয়, সে তা গ্রহণ করতে পারে, তাতে কোন অসুবিধা নেই”।

এ ধরনের কথাবার্তা ও ‘আক্বীদাহ-বিশ্বাস হলো ইছলাম বিনষ্টকারী ও ইছলাম থেকে বহিষ্কারকারী সুস্পষ্ট কুফর (আল্লাহকে অস্বীকার করা) ও শির্ক (আল্লাহর সাথে আংশীদার করা)। কেননা আল্লাহর একত্বে বিশ্বাস তথা তাওহীদের অপরির্হায় দাবি ও শর্ত হলো দু’টি।

(এক) সকল প্রকার তাওতকে অস্বীকার করা। অর্থাৎ আল্লাহ ﷻ ভিন্ন সকল উপাস্য ও তাদের উপাসনাকারীদের অস্বীকার করা এবং তাদের থেকে নিরাপদ দূরে থাকা।

(দুই) এক আল্লাহর প্রতি বিশ্বাস স্থাপন করা।

আর এটাই হলো কালিমাহ “লা-ইলাহা ইল্লালাহ”। (আল্লাহ ব্যতীত আর কোন সত্যিকার মা'বুদ নেই) এর প্রকৃত অর্থ, তাৎপর্য, দাবি ও চাহিদা। এ সম্পর্কে আল্লাহ ﷻ ইরশাদ করেছেন:-

فَذُكِّرْتُمْ لَكُمْ سُوءَ حَسَنَةٍ فِي إِبْرَاهِيمَ وَالَّذِينَ مَعَهُ إِذْ قَالُوا لِقَوْمِهِمْ إِنَّا بُرَاءُ مِنْكُمْ وَمِمَّا تَعْبُدُونَ مِنْ دُونِ اللَّهِ كَفَرْنَا بِكُمْ وَبَدَا بَيْنَنَا وَبَيْنَكُمْ الْعَدَاوَةَ وَالْبَغْضَاءَ أَبَدًا حَتَّى تُؤْمِنُوا بِاللَّهِ وَحَدَهُ.^{১১}

৮. ছুরা আয্ যুমার- ৩৮

৯. سورة مريم- ৮১-৮২

১০. ছুরা মারইয়াম- ৮১-৮২

১১. سورة الممتحنة- ৪

অর্থাৎ- তোমাদের জন্যে ইবরাহীম ও তাঁর সংস্কারের মধ্যে চমৎকার আদর্শ রয়েছে। তারা যখন তাদের সম্প্রদায়কে বলেছিলেন- তোমাদের সাথে এবং তোমরা আল্লাহ্র পরিবর্তে যাদের 'ইবাদাত কর, তাদের সাথে আমাদের কোন সম্পর্ক নেই। আমরা তোমাদেরকে অস্বীকার করি। তোমরা এক আল্লাহতে বিশ্বাস স্থাপন না করলে তোমাদের ও আমাদের মধ্যে চিরশত্রুতা ও বিদ্বেষ থাকবে।^{১২}

আল্লাহ্ ﷺ আরো ইরশাদ করেছেন:-

لا إكراه في الدينِ قد تبين الرشد من الغيِّ فمن كفر بالطاغوتِ ويؤمن باللهِ فقد استمسك بالعروة الوثقى لا انفصامَ لها والله سميعٌ عليمٌ. ١٥

অর্থাৎ- দ্বীনের ব্যাপারে কোন জবরদস্তি নেই। নিঃসন্দেহে হিদায়াত গুমরাহী (ভ্রষ্টতা ও বিপথগামীতা) থেকে পৃথক হয়ে গেছে। সুতরাং যে তাগুতদেরকে অস্বীকার করবে এবং আল্লাহতে বিশ্বাস স্থাপন করবে, সে ধারণ করে নিবে সুদৃঢ় হাতল যা ভাঙ্গবার নয়। আল্লাহ্ সবই শুনে এবং জানেন।^{১৪}

রাছুল ﷺ বলেছেন:-

مَنْ قَالَ: لا إلهَ إلا اللهُ، وكَفَرَ بما يُعْبَدُ مَنْ دُونِ اللهِ، حَرَّمَ مَالَهُ، وَدَمَهُ، وَحَسَابُهُ عَلَى اللهِ. ١٥

অর্থ- যে ব্যক্তি “আল্লাহ ব্যতীত আর কোন মা'বুদ নেই” একথা স্বীকার করে এবং আল্লাহ ব্যতীত অন্য যা কিছু উপাসনা করা হয়, সে সবকে অস্বীকার করে, তাঁর সম্পদ ও প্রাণ নিরাপদ এবং তার হিসাব আল্লাহ্র নিকট।^{১৬}

এ হাদীছ থেকে স্পষ্টতঃ বুঝা যায় যে, যে ব্যক্তি আল্লাহ ব্যতীত আর কোন মা'বুদ নেই” একথা মুখে স্বীকার করলেও আল্লাহ ব্যতীত যা কিছু উপাসনা করা হয় সেগুলোকে অস্বীকার ও বর্জন করে না, তার জান ও মাল ইছলামী শারী'য়াতের দৃষ্টিতে নিরাপদ নয়। এমনিভাবে মুশরিক অথবা আহলে কিতাবদের (ইয়াহুদী-নাসারা সম্প্রদায়কে) কাফির বলে বিশ্বাস না করার কিংবা কারো কাফির হওয়ার বিষয়টি সুস্পষ্ট হওয়া সত্যেও তাকে কাফির বলা থেকে বিরত থাকার, বা নীরবতা অবলম্বন করার অথবা যাদের কাফির হওয়ার বিষয়টি ক্বোরআন ও ছুল্লাহ দ্বারা সুনির্ধারিত, সুনিশ্চিত ও সুস্পষ্ট, তাদের কাফির হওয়ার ব্যাপারে সন্দেহ-সংশয় পোষণ করার অর্থ হলো আল্লাহকে (ﷻ), তাঁর কিতাবকে ও তাঁর রাছুল মুহাম্মাদকে (ﷺ) অস্বীকার করা এবং সমগ্র মানবজাতির জন্য রাছুলের (ﷺ) রিছালাতের সামগ্রিকতা ও সর্বজনীনতাকে (অর্থাৎ

১২. ছুরা আল মুমতাহিনাহ- ৪

১৩. سورة البقرة- ২০৬

১৪. ছুরা আল বাক্বারাহ- ২৫৬

১৫. رواه مسلم

১৬. সাহীহ মুছলিম

রাছুলের ﷺ রিছালাত যে সমগ্র মানবজাতির জন্য, একথাকে) অস্বীকার ও মিথ্যা প্রতিপন্ন করা। সমগ্র মুছলিম উম্মাহ এ বিষয়ে একমত, যে ব্যক্তি আল্লাহকে (ﷻ), তাঁর কিতাবকে ও তাঁর রাছুল মুহাম্মাদকে (ﷺ) এবং সমগ্র মানবজাতির জন্য রাছুলের রিছালাতের সামগ্রিকতা ও সর্বব্যাপীতাকে অস্বীকার ও মিথ্যা প্রতিপন্ন করে, সে আর মুছলমান থাকে না, বরং সে কাফির-মুশরিকে পরিণত হয়। “ধর্ম নিরপেক্ষতা”, “মুছলিম-অমুছলিম সবাই ভাই ভাই, সবাই পরস্পর মিত্র”, “জাতি-ধর্ম নির্বিশেষে পারস্পরিক সৌহার্দ্য ও সাম্প্রদায়িক সম্প্রীতি বজায়” ইত্যাদি বিভিন্ন দাবি ও শ্লোগানের নামে ইছলাম ভঙ্গ ও বিনষ্টকারী এ কারণটি বর্তমানে মুছলমানদের মধ্যে ব্যাপকভাবে বিরাজমান। তাই প্রত্যেক মুছলমানের এ সব বিষয়ে বিশেষভাবে সতর্ক ও সাবধান হওয়া অবশ্য কর্তব্য।

(৪) এই বিশ্বাস পোষণ করা যে, রাছুল মুহাম্মাদ (ﷺ) এর নির্দেশিত হিদায়াত তথা শারী‘য়াত থেকে অন্য পথ বা ধর্ম অধিক পূর্ণাঙ্গ ও পরিপূর্ণ, কিংবা রাছুলের (ﷺ) অনুসৃত ও নির্দেশিত বিধান (হুকুম-আহুকাম ও নিয়ম-নীতি) থেকে অন্য কারো বিধান অধিক উত্তম।

মোটকথা, রাছুল ﷺ এর বিধান থেকে অন্য কোন বিধানকে বেশি প্রাধান্য ও মর্যাদা দেয়া ইছলাম ভঙ্গ ও বিনষ্টের অন্যতম কারণ। তাই প্রত্যেক মুছলমানের এই বিশ্বাস পোষণ করা ওয়াজিব যে, রাছুল ﷺ এর যাবতীয় কথা-বার্তা, কাজ-কর্ম ও সম্মতি হলো আল্লাহর পক্ষ থেকে অহী তথা এক প্রকার প্রত্যাদেশ। অহীর দিক থেকে রাছুলের (ﷺ) ছুন্নাহ হলো ক্বোরআনেরই সাথী বা সহযাত্রী।

এ সম্পর্কে আল্লাহ ﷻ ইরশাদ করেছেন:-

وَمَا يَنْطِقُ عَنِ الْهَوَىٰ. إِنْ هُوَ إِلَّا وَحْيٌ يُوحَىٰ. ৯১

অর্থাৎ- এবং তিনি (মুহাম্মাদ) প্রবৃত্তির তাড়নায় (মনগড়া) কথা বলেন না। ক্বোরআন হলো অহী, যা প্রত্যাদেশ (নাযিল করা) হয়।^{১৮}

এ কারণেই ছালাফে সালিহীন ﷺ ক্বোরআন এবং ছুন্নাহ দু’টোকেই অহী বলে আখ্যায়িত করতেন। সকল মুছলমানগণও এ বিষয়ে একমত যে, রাছুলের ছুন্নাহ হলো এক প্রকার অহী।

হাছান ইবনু ‘আতিয়্যাহ থেকে বর্ণিত, তিনি বলেছেন যে, জিবরাঈল ﷺ রাছুলের (ﷺ) নিকট যেভাবে ক্বোরআন নিয়ে অবতরণ করতেন, তেমনি তিনি ছুন্নাহ নিয়েও রাছুলের (ﷺ) নিকট অবতরণ করতেন। ক্বোরআন যেমন আল্লাহর পক্ষ থেকে অহী, তেমনি ছুন্নাহও হলো আল্লাহর পক্ষ হতে অহী। ছুন্নাহ হলো ক্বোরআনেরই ব্যাখ্যা ও সম্পূরক। এ কথাটি পূর্ববর্তী ও পরবর্তী ‘উলামায়ে কিরাম ও সাধারণ জনগণের নিকট সর্বসম্মতভাবে স্বীকৃত।

তাই রাছুলের (ﷺ) ছুন্নাহকে অস্বীকার বা প্রত্যাখ্যান করা, ক্বোরআনকে অস্বীকার বা প্রত্যাখ্যান করার

১৭. سورة النجم - ৩-৪

১৮. ছুরা আন্ নাজম- ৩-৪

নামান্তর এবং ছুন্নাহ বিরোধিতা করার অর্থ হলো কোরআনে কারীমের বিরোধিতা করা।

রাছুলের (ﷺ) ছুন্নাহ হলো মানব জাতির জন্য সর্বোত্তম হিদায়াত তথা পথ প্রদর্শক। যেমন- হযরত জাবির (رضي الله عنه) থেকে বর্ণিত, রাছুল (ﷺ) ইরশাদ করেছেন:-

خَيْرَ الْحَدِيثِ كِتَابُ اللَّهِ، وَخَيْرُ الْهُدَى هُدَى مُحَمَّدٍ. ১১

অর্থ- সর্বোত্তম বাণী হলো আল্লাহর কিতাব আর সর্বোত্তম হিদায়াত (পথ নির্দেশ) হলো মুহাম্মাদ (ﷺ) এর হিদায়াত।^{১০}

মুহাম্মাদ (ﷺ) এর নিয়ে আসা শারী‘য়াত হলো পূর্ণাঙ্গ ও পরিপূর্ণ, তাতে কোনপ্রকার ত্রুটি বা অসম্পূর্ণতা নেই।

আল্লাহ (ﷻ) ইরশাদ করেছেন:-

الْيَوْمَ أَكْمَلْتُ لَكُمْ دِينَكُمْ وَأَتَمَمْتُ عَلَيْكُمْ نِعْمَتِي وَرَضِيْتُ لَكُمُ الْإِسْلَامَ دِينًا. ১২

অর্থাৎ- আজ আমি তোমাদের জন্যে তোমাদের দ্বীনকে পরিপূর্ণ করে দিলাম, তোমাদের প্রতি আমার অবদান সম্পূর্ণ করে দিলাম এবং ইছলামকে তোমাদের জন্যে দ্বীন হিসেবে পছন্দ করলাম।^{১১}

আল্লাহ (ﷻ) মানব জাতির উপর মুহাম্মাদ (ﷺ) এর অনুসৃত (পালনকৃত) শারী‘য়াত পালন করা ওয়াজিব করে দিয়েছেন। তিনি মানব জাতিকে নির্দেশ দিয়েছেন, তারা যেন জীবনের প্রতিটি ক্ষেত্রে আল্লাহ প্রদত্ত এবং রাছুলের (ﷺ) অনুসৃত ও নির্দেশিত শারী‘য়াত (বিধান ও নিয়ম-নীতি) অবলম্বন করে চলে এবং সে অনুযায়ী ফায়সালা গ্রহণ করে।

আল্লাহ (ﷻ) ইরশাদ করেছেন:-

مَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا. ১৩

অর্থাৎ- রাছুল তোমাদেরকে যা দিয়েছেন তা তোমরা গ্রহণ করো এবং যা কিছু থেকে তিনি নিষেধ করেছেন তা থেকে বিরত থাকো।^{১২}

আল্লাহ (ﷻ) আরো ইরশাদ করেছেন:-

১১. رواه مسلم

১০. সাহীহ মুছলিম

১১. سورة المائدة- ৩

১২. ছুরা আল মা-য়িদাহ- ৩

১৩. سورة الحشر- ৭

১৪. ছুরা আল হাশর- ৭

فَلَا وَرَبِّكَ لَا يُؤْمِنُونَ حَتَّىٰ يُحَكِّمُوكَ فِيمَا شَجَرَ بَيْنَهُمْ ثُمَّ لَا يَجِدُوا فِي أَنفُسِهِمْ حَرَجًا مِّمَّا قَضَيْتَ وَيُسَلِّمُوا تَسْلِيمًا. ٩٢

অর্থাৎ- তারা ততক্ষণ পর্যন্ত ঈমানদার হতে পারবে না, যে পর্যন্ত না আপনাকে তাদের পারস্পরিক বিরোধপূর্ণ বিষয়ে চূড়ান্ত সিদ্ধান্ত প্রদানকারী বলে মেনে নেয়। অতঃপর আপনার প্রদত্ত সিদ্ধান্তের ব্যাপারে তাদের অন্তরে কোন সংকীর্ণতা বোধ না করে এবং পরিপূর্ণরূপে আত্মসমর্পণ করে।^{২৬}

তাই যে ব্যক্তি রাছুল ﷺ অনুসৃত ও নির্দেশিত হুকুম বা ফায়সালার উপর অর্থাৎ শারী‘য়াতে ইছলামিয়াহর উপর অন্য কোন বিধান বা ফায়সালাকে প্রাধান্য দেবে, কিংবা আল্লাহর শারী‘য়াতকে অন্য কোন বিধান দিয়ে পরিবর্তন করবে অথবা আল্লাহর দেয়া শারী‘য়াতের পরিবর্তে অন্য কোন শারী‘য়াতকে উত্তম মনে করে গ্রহণ ও অবলম্বন করবে, সে আল্লাহকে অস্বীকারকারী; কাফির বলে গণ্য হবে।

একথার প্রমাণ হলো আল্লাহর (عَزَّوَجَلَّ) এ বাণী:-

وَمَنْ لَّمْ يَحْكَمْ بِمَا أَنزَلَ اللَّهُ فَأُولَٰئِكَ هُمُ الْكَافِرُونَ. ٩٢

অর্থাৎ- যেসব লোক আল্লাহ যা অবতীর্ণ করেছেন, তদনুযায়ী ফয়সালা করে না, তারাই কাফির।^{২৮}

আল্লাহ ﷻ আরো ইরশাদ করেছেন:-

وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِينَ. ٩٢

অর্থাৎ- যে লোক ইছলাম ছাড়া অন্য কোন ধর্ম তালাশ করে, তার নিকট থেকে কস্মিণকালেও তা গ্রহণ করা হবে না এবং আখিরাতে সে হবে ক্ষতিগ্রস্তদের অন্তর্ভুক্ত।^{৩০}

তদ্রূপ যে ব্যক্তি এই ধারণা বা বিশ্বাস পোষণ করবে যে, মুহাম্মাদ ﷺ এর নিয়ে আসা শারী‘য়াতের (জীবন বিধানের) চেয়ে অন্য কোন শারী‘য়াত (তা আহমানী শারী‘য়াত হোক যেমন- বিকৃত-বিবর্তিত ইয়াহুদী ও নাসরানী শারী‘য়াত, অথবা মানব রচিত কোন বিধান হোক) উত্তম কিংবা তা মানব জাতির জন্য অধিক কল্যাণকর এবং তাদের জীবন, জীবিকা ও সার্বিক নিরাপত্তার জন্য বেশি উপযোগী, তা হলে তার ইছলাম বিনষ্ট হয়ে যাবে। সে ইছলাম বহির্ভূত কাফির বলে গণ্য হবে, যদিও সে আল্লাহর বিধান অনুযায়ী ফায়সালা করে এবং বাহ্যিকভাবে আল্লাহর বিধান মেনে চলে। এ বিষয়ে মুছলিম জাতির সত্যিকার ‘আলিমগণ সকলেই একমত পোষণ করেছেন। কেননা আল্লাহ ﷻ ও তাঁর রাছুলের (ﷺ) প্রতি ঈমানের দাবি হলো:-

২৫. ৬০- سورة النساء-

২৬. ছুরা আন্নিছা- ৬৫

২৭. ৪৪- سورة المائدة-

২৮. ছুরা আল মা-য়িদাহ- ৪৪

২৯. ১০- سورة ال عمران-

৩০. ছুরা আ-লে ‘ইমরান- ৮৫

আল্লাহর নির্দেশের প্রতি আত্মসমর্পণ করা, আল্লাহর আদেশ-নিষেধ সমূহকে সন্তুষ্টচিত্তে পালন করা, আল্লাহ ﷻ ও তাঁর রাছুলের ﷺ দেয়া ফায়সালাকে কথা-বার্তায়, কাজে-কর্মে ও ‘আক্বীদাহ-বিশ্বাসে যথাযথভাবে মেনে নেয়া এবং জান-মাল কিংবা অধিকার সংক্রান্ত যে কোন বিষয়ে কোন প্রকার দ্বন্দ্ব-সংঘাত, বিবাদ-বিসম্বাদ বা মতবিরোধ দেখা দিলে তাৎক্ষণিকভাবে আল্লাহর কিতাব ও রাছুলের ছুন্নাহর দিকে প্রত্যাবর্তন করা। কেননা সর্ব বিষয়ে আল্লাহ ও তাঁর রাছুলের ﷺ দেয়া সিদ্ধান্তই চূড়ান্ত- এ ব্যাপারে কোন মুছলমান দ্বিমত বা সংশয় পোষণ করতে পারে না।

তাই শাসকবর্গের উপর ওয়াজিব, আল্লাহর দেয়া বিধান অনুযায়ী ফায়সালা করা। আর শাসিতদের তথা সাধারণ জনগণের উপর ওয়াজিব, সর্বাবস্থায় ক্বোরআন ও ছুন্নাহর আশ্রয় গ্রহণ করা এবং ক্বোরআন ও ছুন্নাহর দেয়া সিদ্ধান্তকে সন্তুষ্টচিত্তে মেনে নেয়া। আল্লাহ ﷻ ইরশাদ করেছেন:-

أَلَمْ تَرَ إِلَى الَّذِينَ يَزْعُمُونَ أَنَّهُمْ آمَنُوا بِمَا نُزِّلَ إِلَيْكَ وَمَا أَتَىٰ مِنْ قِبَلِكُمْ يُرِيدُونَ أَنْ يُنْحَاكُمُوا إِلَى الطَّاغُوتِ وَقَدْ أُمِرُوا أَنْ يَكْفُرُوا بِهِ وَيُرِيدُ الشَّيْطَانُ أَنْ يُضِلَّهُمْ ضَلَالًا بَعِيدًا. ٥٠

অর্থাৎ- আপনি কি তাদেরকে দেখেননি, যারা দাবি করে যে, যা আপনার প্রতি এবং আপনার পূর্বে যা অবতীর্ণ করা হয়েছে তারা সে বিষয়ের উপর ঈমান এনেছে। তারা (বিরোধপূর্ণ বিষয়ে) ত্বাণ্ডতের সিদ্ধান্ত নিতে চায়, অথচ তাদের প্রতি নির্দেশ হয়েছে, যাতে তারা তাকে (ত্বাণ্ডতকে) অমান্য করে। পক্ষান্তরে শয়তান তাদেরকে প্রতারিত করে পথভ্রষ্ট করে ফেলতে চায়।^{৩২}

(৫) শারী‘য়াতে ইছলামিয়াহর কোন বিষয়ের প্রতি ঘৃণা বা বিদ্বेष পোষণ করা, ঈমান ও ইছলাম বিনষ্টের অন্যতম কারণ।

যে ব্যক্তি মুহাম্মদ ﷺ এর আনীত শারী‘য়াতের এবং তাঁর নির্দেশিত হিদায়াতের কোন কিছুর প্রতি ঘৃণা বা বিদ্বেষ পোষণ করবে, তার ঈমান নষ্ট হয়ে যাবে এবং সে কাফির হয়ে যাবে, যদিও সে অসন্তুষ্টচিত্তে রাছুলের ﷺ প্রদর্শিত পথ অনুসরণ করে এবং আল্লাহ প্রদত্ত বিধান অনুযায়ী ‘আমাল করে থাকে। এর প্রমাণ হলো আল্লাহর ﷻ এ বাণী:-

ذَلِكَ بِأَنَّهُمْ كَرَهُوا مَا نُزِّلَ اللَّهُ فَأَحْبَطَ أَعْمَالَهُمْ. ٥٠

অর্থাৎ- এটা এজন্য যে, আল্লাহ যা অবতীর্ণ করেছেন তারা তা পছন্দ করে না, সুতরাং আল্লাহ ﷻ তাদের কর্ম নিষ্ফল করে দেবেন।^{৩৪}

৩১. سورة النساء- ৬০.

৩২. ছুরা আন্নিছা- ৬০

৩৩. سورة محمد- ৯

৩৪. ছুরা মুহাম্মাদ- ৯

এ জাতীয় কুফরীর অন্তর্ভুক্ত বিষয়গুলো হলো যথা:-

(ক) আল্লাহর (ﷺ) নির্দেশানুসারে চোরের হাত কাটা, বিবাহিত ব্যাভিচারীকে পাথর নিক্ষেপে হত্যা করা ইত্যাদি, আল্লাহর এসব বিধানকে আধুনিক সভ্যতার পরিপন্থি মনে করা কিংবা এসব বিধানকে অন্যায়, অমানবিক, অজ্ঞতা ও বর্বরতার প্রতীক হিসাবে চিহ্নিত করা।

এমনিভাবে একাধিক বিবাহের শার'য়ী বিধানকে কুরুচিপূর্ণ বলে আখ্যায়িত করা। একজন পুরুষ সাক্ষির মুক্কাবিলায় দু'জন মহিলা সাক্ষির বিধানকে নারীদের অবমূল্যায়ন, তাদের প্রতি অবিচার ও হীনমন্যতার পরিচায়ক বলা কিংবা ক্লেবরআন ও ছুল্লাহতে বর্ণিত গায়িবী (অদৃশ্য) কোন খবরকে যুক্তি, বাস্তবতা ও জ্ঞান-বিজ্ঞানের পরিপন্থি বলে আখ্যায়িত করা।

(খ) ইছলামের কোন বিধানকে নির্দিধায় সম্ভষ্টচিত্তে মেনে না নেয়া, বরং এ বিষয়ে অন্তরে সংকোচ বোধ করা।

আল্লাহ ﷻ ইরশাদ করেছেন:-

فَلَا وَرَبِّكَ لَا يُؤْمِنُونَ حَتَّىٰ يُحَكِّمُوكَ فِيمَا شَجَرَ بَيْنَهُمْ ثُمَّ لَا يَجِدُوا فِي أَنفُسِهِمْ حَرَجًا مِّمَّا قَضَيْتَ وَيُسَلِّمُوا تَسْلِيمًا. ٥٥

অর্থাৎ- কিন্তু না, আপনার প্রতিপালকের শপথ! তারা মু'মিন হবে না যতক্ষণ পর্যন্ত তারা তাদের নিজেদের বিবাদ-বিসম্বাদের বিচারভার আপনার উপর অপর্ণ না করে, অতঃপর আপনার দেয়া সিদ্ধান্ত সম্পর্কে তাদের মনে কোন দ্বিধা থাকে এবং সর্বান্তকরণে উহা মেনে না নেয়।^{৩৫}

(গ) কোন সাহীহ্ হাদীছকে অস্বীকার করা। আল্লাহ ﷻ ইরশাদ করেছেন:-

مَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا. ٩٥

অর্থাৎ- রাখুল তোমাদের যা প্রদান করেন, তোমরা তা গ্রহণ কর এবং যা হতে তোমাদের নিষেধ করেন তা হতে বিরত থাক।^{৩৬}

‘আল্লামা ইবনু বাত্বাহ বলেছেন:- “কোন ব্যক্তি যদি কেবল একটি বিষয় ব্যতীত রাখুলের (ﷺ) নিয়ে আসা সকল বিষয়ের প্রতি ঈমান আনে, তা হলে ঐ ব্যক্তি শুধু একটি বিষয়কে প্রত্যাখানের কারণেই কাফির বলে গণ্য হবে। এ ব্যাপারে এটাই হলো ‘উলামায়ে কিরামের সর্বসম্মত অভিমত। কিন্তু কোন ব্যক্তি যদি অজ্ঞতা

৩৫. سورة النساء- ৬০.

৩৬. ছুরা আন্নিছা- ৬৫

৩৭. سورة الحشر- ৭.

৩৮. ছুরা আল হাশ্বর- ৭

বশতঃ রাছুলের (ﷺ) কোন ছুনাহ অস্বীকার করে, তাহলে তাকে কাফির বলা যাবে না। তবে তাকে জানানোর পর এবং হাদীছটি তার নিকট সঠিক প্রমাণিত হবার পরও সে যদি তা অস্বীকার করে, তাহলে তার ইছলাম ও ঈমান বিনষ্ট হয়ে যাবে এবং সে কাফির বলে গণ্য হবে।

কেননা আল্লাহ ﷻ ইরশাদ করেছেন:-

وَمَنْ يُشَاقِقِ الرَّسُولَ مِنْ بَعْدِ مَا تَبَيَّنَ لَهُ الْهُدَىٰ وَيَتَّبِعْ غَيْرَ سَبِيلِ الْمُؤْمِنِينَ نُوَلِّهِ مَا تَوَلَّىٰ وَنُصَلِّهِ جَهَنَّمَ وَسَاءَتْ مَصِيرًا.^{৯০}

অর্থাৎ- যে কেউ তার নিকট সরল-সঠিক পথ প্রকাশ হবার পর যদি রাছুলের বিরুদ্ধাচরণ করে এবং মু'মিনদের পথ ব্যতীত অন্য পথ অনুসরণ করে, তাহলে আমি তাকে যে দিকে সে ফিরে যায় সে দিকেই ফিরিয়ে দেব এবং জাহান্নামে তাকে দক্ষ করব। আর উহা কতই না মন্দ বাসস্থান।^{৯০}

উল্লেখ্য যে, মানুষের মধ্যে মানবীয় স্বভাবজাত কিছু ঘৃণা ও অসন্তুষ্টি রয়েছে, অনিচ্ছা সত্ত্বেও যা তার থেকে প্রকাশ পেয়ে থাকে। এ ধরনের ঘৃণা বা অসন্তুষ্টি যদি শারী'য়াতের মূল বিধানের প্রতি না হয় অর্থাৎ শারী'য়াতের বিধান বলে সেটাকে যদি কেউ ঘৃণা ও অপছন্দ না করে বরং তা নিছক স্বভাবজাত হয়, তাহলে সে ইছলাম বহির্ভূত কাফির বলে গণ্য হবে না। যেমন কোন স্ত্রীর তার স্বামীর দ্বিতীয় বিয়েকে অপছন্দ করা, শীতের দিনে অযু বা গোছল করা ইত্যাদি। দ্বীনে ইছলামের কোন বিধানের প্রতি এ ধরনের অসন্তুষ্টি পোষণের কারণে ইছলাম বা ঈমান ভঙ্গ ও বিনষ্ট হবে না। কেননা এটা হলো মানুষের স্বভাবজাত এবং এটা তার সাধ্যের বাইরে।

(৬) দ্বীনে ইছলামের কোন বিষয়কে নিয়ে কিংবা আল্লাহর ওয়া'দাকৃত 'আযাব-গযব, নি'মাত, দান বা পুরস্কার নিয়ে ঠাট্টা-বিদ্রূপ করা ঈমান ও ইছলাম বিনষ্টের অন্যতম কারণ।

যদি কেউ আল্লাহকে নিয়ে, তাঁর কোন ফিরিশতাকে নিয়ে, কোন নাবী-রাছুলকে (ﷺ) নিয়ে কিংবা ক্বোরআনে কারীমের কোন আয়াতকে নিয়ে অথবা দ্বীনে ইছলামের ফারয তথা অবশ্য করণীয় বা বর্জনীয় কোন বিষয়কে নিয়ে, কিংবা সঠিক ও অকাট্যভাবে দ্বীন হিসাবে প্রমাণিত কোন বিষয়কে নিয়ে ব্যঙ্গ-বিদ্রূপ, ঠাট্টা-তামাশা করে, অথবা দ্বীনে ইছলামের কোন বিষয়কে গালী-গালাজ, তুচ্ছ-তাচ্ছিল্য করে বা এতদসম্পর্কে মর্যাদাহানীকর কিছু বলে, তাহলে তার ঈমান ও ইছলাম বিনষ্ট হয়ে যাবে এবং সে ইছলাম বহির্ভূত; কাফির বলে গণ্য হবে। এর প্রমাণ হলো আল্লাহর (ﷻ) এ বাণী:-

قُلْ آيَاتِي وَأَيَاتِيهِ وَرَسُولِهِ كُنْتُمْ تَسْتَهْزِئُونَ. لَا تَعْتَذِرُوا قَدْ كَفَرْتُمْ بَعْدَ إِيمَانِكُمْ.^{৯৪}

অর্থাৎ- (হে রাছুল) আপনি বলুন! তোমরা কি ঠাট্টা-তামাশা করছিলে আল্লাহ ও তাঁর আয়াতগুলো এবং তাঁর

৩৯. ১১০- سورة النساء-

৪০. ছুরা আন্নিছা- ১১৫

৪১. ৬৬-৬০- سورة التوبة-

রাছুল সম্বন্ধে? এখন আর ‘উয়র পেশ করো না। তোমরা ঈমান আনার পর কুফরী করলে।^{৪২}

যারা আল্লাহর দ্বীন ও তাঁর আয়াত নিয়ে ঠাট্টা-তামাশা করে, আল্লাহ ﷻ তাদেরকে লাঞ্ছনাকর শাস্তি দানের ওয়া‘দা দিয়েছেন। আর কোরআনে কারীমে লাঞ্ছনাকর শাস্তি (‘আযাবে মুহীন) প্রদানের কথা শুধুমাত্র কাফির-মুশরিকদের ক্ষেত্রেই বলা হয়েছে।

আল্লাহ ﷻ ইরশাদ করেছেন:-

وَإِذَا عَلِمَ مِنْ آيَاتِنَا شَيْئًا أَخَذَهَا حُزُورًا أُولَئِكَ لَهُمْ عَذَابٌ مُهِينٌ.^{৪৪}

অর্থাৎ- যখন সে আমার কোন আয়াত অবগত হয়, তখন সেটাকে ঠাট্টারূপে গ্রহণ করে। এদের জন্যই রয়েছে লাঞ্ছনাদায়ক শাস্তি।^{৪৪}

‘আল্লামা ইবনু হায্ম আন্দালুছী, ক্বাযী আবু ইয়া‘লা হাম্বালী, ইমাম আছছাম‘আনী, শাইখুল ইছলাম ইবনু তাইমিয়াহ, ‘আল্লামা ইবনু কাছীর (ﷺ) প্রমুখ প্রখ্যাত ‘উলামায়ে কিরাম বলেছেন:- কেউ যদি ঢালাওভাবে সাহাবায়ে কিরামকে (ﷺ) গাল-মন্দ করে কিংবা তাদের একজনকেও যদি তাঁর দ্বীন ও দ্বীনদারীর কারণে (ব্যক্তিগত বিষয়ে নয়) বা রাছুলের (ﷺ) সাহচর্য লাভের (সাহাবী হওয়ার) কারণে গালী-গালায় করে, তাহলে সে ব্যক্তি কাফির ও ইছলাম পরিত্যাগকারী মুরতাদ বলে গণ্য হবে। এ ব্যাপারে ‘উলামায়ে কিরাম সর্বসম্মত অভিমত পোষণ করেছেন।

এমনিভাবে কেউ যদি কোন নেক্কার; আল্লাহওয়ালা লোকের সাথে তাঁর নেক্কারী তথা দ্বীনদারীর কারণে কিংবা কোন ‘আলিমে দ্বীনের সাথে তাঁর ‘ইলমে দ্বীনের কারণে ঠাট্টা-বিদ্রপ করে, তা হলে সে কাফির ও ইছলাম পরিত্যাগকারী মুরতাদ বলে গণ্য হবে।

একদা ইমাম শাফি‘য়ীকে (ﷺ) জিজ্ঞেস করা হয়েছিল যে, যে ব্যক্তি আল্লাহর কোন আয়াতকে (নিদর্শনকে) নিয়ে উপহাস (ঢং-তামাশা) করে, শারী‘য়াতের দৃষ্টিতে তার হুকুম কি? উত্তরে তিনি বলেছেন:- সে ব্যক্তি কাফির এবং এর প্রমাণে (তিনি ইমাম শাফি‘য়ী (ﷺ) কোরআনে কারীমের এ আয়াত পেশ করেন:-

فَلْ أَيْتَانِي وَأَيَاتِي وَرَسُولِي كُنْتُمْ تَسْتَهْزِئُونَ. لَا تَعْتَدُوا قَدْ كَفَرْتُمْ بَعْدَ إِيمَانِكُمْ.^{৪৪}

অর্থাৎ- (হে রাছুল!) আপনি বলুন- তোমরা কি ঠাট্টা-তামাশা করছিলে আল্লাহ ও তাঁর আয়াতগুলো এবং তার রাছুল সম্বন্ধে? এখন আর ‘উয়র পেশ করো না। তোমরা ঈমান আনার পর কুফরী করলে।^{৪৬}

৪২. ছুরা আত্ তাওবাহ- ৬৫-৬৬

৪৩. ৯ سورة الجاثية-

৪৪. ছুরা আল জাছিয়াহ- ৯

৪৫. ৬৬-৬৫ سورة التوبة-

ঠাট্টা-বিদ্রুপ দু'ভাবে করা হয়ে থাকে-

প্রথমতঃ- স্পষ্ট বিদ্রুপাত্মক, তামাশামূলক, অশ্লীল-অশালীন কিংবা তাচ্ছিল্যপূর্ণ কথা দ্বারা। যেমন- খৃষ্টান সম্প্রদায়ের কথা- “ঈছা (عليه السلام) আল্লাহর ছেলে”। (تعالى الله عن ذلك علوا كبيرا) ইয়াহুদী সম্প্রদায়ের কথা- “আল্লাহর হাত রুদ্ধ” (বন্ধ বা আটকানো), “আল্লাহ অভাবগ্রস্ত ও আমরা অভাবমুক্ত” (تعالى الله عن ذلك علوا كبيرا) এবং তথাকথিত আধুনিক বুদ্ধিজীবীদের কথা- “ইছলাম ধর্ম বর্তমান আধুনিক দুন্ইয়াতে অচল-অনুপযোগী” ইত্যাদি।

যদি কোন মুছলমান জেনে শুনে এ ধরনের কোন কথা বলে, তাহলে তার ঈমান ও ইছলাম বিনষ্ট হয়ে যাবে এবং সে ধর্মত্যাগকারী (মুরতাদ) কাফির বলে গণ্য হবে।

দ্বিতীয়তঃ- কাজ-কর্ম বা ইশারা-ইঙ্গিতে ব্যঙ্গ, বিদ্রুপ, ঠাট্টা, তামাশা করা। যেমন- দ্বীনে ইছলামের কোন বিষয় নিয়ে ব্যঙ্গাত্মক কার্টুন বা ছবি আঁকা, কোরআনে কারীমের তিলাওয়াত শুনে কিংবা রাছুলের কোন হাদীছ শুনে অথবা আল্লাহর ‘আযাব-গযব, নি‘মাত-পুরস্কার, জান্নাত, জাহান্নাম, কুব্বেরের ‘আযাব ইত্যাদির আলোচনা শুনে কানে আঙ্গুল ঢুকানো, উচ্চস্বরে কথা বলা বা রেডিও-টিভির ভলিয়ম বাড়িয়ে দেয়া, অথবা আল্লাহর কোন আয়াত বা নিদর্শনের কথা শুনে সেটাকে হেয় ও তুচ্ছ জ্ঞান করতঃ কোনরূপ অঙ্গভঙ্গি করা। যেমন- হাত টিপা, চোঁখ টিপা, জিহ্বা বের করা, মুখ বাঁকানো ইত্যাদি। যদি কোন মুছলমান জেনে-শুনে, বুঝে ইচ্ছাপূর্বক এ ধরনের কোন কাজ-কর্ম করে, তাহলে সে ইছলাম বহির্ভূত হয়ে পড়বে এবং কাফির ও মুরতাদ বলে গণ্য হবে।

মোটকথা, দ্বীনে ইছলামের কোন বিষয়কে গালি-গালাজ বা তুচ্ছ-তাচ্ছিল্য করা, অথবা দ্বীনে ইছলামের কোন বিষয়কে নিয়ে চং-তামাশা, ব্যঙ্গ-বিদ্রুপ করা হলো কুফর ও শিরক; যা ইছলামকে ধ্বংস ও বিনষ্ট করে দেয় এবং মুছলমানকে ধর্মত্যাগকারী (মুরতাদ) কাফির-মুশরিকে পরিণত করে।

(৭) যাদু। যাদু হলো ঈমান ও ইছলাম বিনষ্টকারী এবং মুছলমানকে কাফিরে পরিণতকারী কাজ।

অঃ্ভিধানিক অর্থে যাদু বলা হয়- এমন প্রতিটি ক্রিয়াকলাপকে যার কারণ গোপন ও অস্পষ্ট থাকে, কিন্তু এর প্রভাব-প্রতিক্রিয়া দেখা বা বুঝা যায়।

শারী‘য়াতের পরিভাষায় যাদু হলো- এমন কিছু গিরা, কবচ, ঝাড়-ফুক, তেলসমাতী ও তন্ত্র-মন্ত্রের নাম, যদ্বারা জিন বা শয়তানকে ব্যবহারের মাধ্যমে কারো ক্ষতি করার অপচেষ্টা করা হয়। সাধারণত যাদু মানুষের অন্তরে, মস্তিষ্কে কিংবা দেহের ভিতরে কাজ করে। তবে দেহের বাইরেও এর প্রভাব পড়ে থাকে।

যাদু দু’টি কারণে শিরকের পর্যায়ভুক্ত। প্রথমতঃ এতে (যাদুর মধ্যে) অধিকাংশ ক্ষেত্রে হারাম ও নিকৃষ্ট কাজের মাধ্যমে জিন ও শয়তানের সন্তুষ্টি, নৈকট্য ও সাহায্য কামনা করা হয়। অথচ আল্লাহ ﷻ ব্যতীত অন্য কারো নৈকট্য বা সাহায্য কামনা করা হলো সুস্পষ্ট শিরক। এ ছাড়া যাদু হলো শয়তানের শিক্ষা এবং শয়তানী শিক্ষা।

আল্লাহ ﷻ ইরশাদ করেছেন:-

وَاتَّبِعُوا مَا تَتْلُو الشَّيَاطِينُ عَلَىٰ مُلْكٍ سُلَيْمَانَ وَمَا كَفَرَ سُلَيْمَانُ وَلَكِنَّ الشَّيَاطِينَ كَفَرُوا يُعَلِّمُونَ النَّاسَ السِّحْرَ.^{৯৪}

অর্থাৎ- ছুলাইমানের রাজত্বকালে শয়তানরা যা আবৃত্তি করত, তারা তাই অনুসরণ করল। ছুলাইমান কুফর (আল্লাহকে অবিশ্বাস বা অস্বীকার) করেননি; বরং শয়তানরাই কুফর করেছিল। তারা মানুষকে জাদুবিদ্যা শিক্ষা দিত।^{৪৮}

দ্বিতীয়তঃ- এতে গায়িবের (অদৃশ্য বিষয়াদীর) ইলম দাবি করা হয়। যাদুকর বা তার সাহায্যকারী জিন ও শয়তানরা নিজেকে গায়িব সম্পর্কে অবগত বলে দাবি করে। অথচ প্রকৃতপক্ষে একমাত্র আল্লাহ ﷻ ব্যতীত আর কেউই গায়িবের জ্ঞান রাখে না এবং আল্লাহ ব্যতীত আর কেউই গায়িব সম্পর্কে অবগত নয়।

আল্লাহ ﷻ ইরশাদ করেছেন:-

فَلَا يَعْلَمُ مَنْ فِي السَّمَاوَاتِ وَالْأَرْضِ الْغَيْبَ إِلَّا اللَّهُ.^{৯৪}

অর্থাৎ- (হে নবী!) আপনি বলুন, একমাত্র আল্লাহ ব্যতীত আকাশে ও যমীনে যারা আছে তারা কেউই গায়িব জানে না।^{৫০}

গায়িবের জ্ঞান হলো আল্লাহর একক বৈশিষ্ট্য। সুতরাং আল্লাহ ব্যতীত কারো গায়িবের জ্ঞান দাবি করার অর্থ হলো আল্লাহর একক বৈশিষ্ট্য অংশীদারিত্ব দাবি করা। আর এটাই হলো সুস্পষ্ট কুফর ও শির্ক। যাদুর আকর্ষণ ও বিকর্ষণ দু'টোই কুফরী। যাদুর আকর্ষণ হলো- অবৈধভাবে কোন নর-নারীর মধ্যে যাদু-মন্ত্র দ্বারা একজনকে অপরজনের প্রতি আকৃষ্ট করা। আর যাদুর বিকর্ষণ হলো- পরস্পরের মধ্যে ঘৃণা ও বিদ্বেষ সৃষ্টি করা। অর্থাৎ কোন মানুষকে তার আপনজনের প্রতি বিরাগভাজন বা বিদ্বেষী করা বা পরস্পরের মধ্যে ঘৃণা সৃষ্টির অপচেষ্টা করা।

হযরত আবু হুরায়রাহ رضي الله عنه থেকে বর্ণিত, রাছূল صلوات الله عليه বলেছেন:-

مَنْ عَقَدَ عُقْدَةً ثُمَّ نَفَثَ فِيهَا فَقَدْ سَحَرَ، وَمَنْ سَحَرَ فَقَدْ أَشْرَكَ.^{৯৫}

অর্থ- যে ব্যক্তি গিট বেঁধে এর উপর ফুঁক দিল সে যাদু করল। আর যে যাদু করল, সে শির্ক করল।^{৫২}

৪৯. سورة البقرة- ১০২

৪৮. ছুরা আল বাক্বারাহ- ১০২

৪৯. سورة النمل- ৬০

৫০. ছুরা আন্ নামল- ৬৫

৫১. رواه النسائي

৫২. ছুনানুন্ নাছায়ী

ইমাম আবু হানীফাহ, ইমাম মালিক ও ইমাম আহমাদ ইবনু হাম্বল রাঃ যাদু করাকে এবং যাদু শিক্ষাকে কুফরী বলে অভিহিত করেছেন।

শাইখ ছুলাইমান ইবনু মুহাম্মাদ ইবনু ‘আদিল ওয়াহ্‌হাব রাঃ বলেছেন:- শয়তানের মাধ্যমে যে যাদু করা হয়, তা আল্লাহর সাথে শির্ক করা ব্যতীত রপ্ত বা আয়ত্ত করা যায় না।

মোটকথা, সাধারণত যাদুর মধ্যে মৌলিক যেসব বিষয় বা উপাদান থাকে সেগুলো হলো শির্ক। বেশিরভাগ ক্ষেত্রে যাদুর মধ্যে ঈমানের পরিপন্থি কথাবার্তা ও কাজকর্ম অবলম্বন করা হয়। তাই যাদু করা, যাদু করানো কিংবা যাদু শিক্ষা করা হলো কুফর ও শির্ক যা ইছলামকে ধ্বংস ও বিনষ্ট করে দেয় এবং মুছলমানকে ধর্মত্যাগকারী (মুরতাদ); কাফির-মুশরিকে পরিণত করে।

আর যদি যাদুতে ঈমানের পরিপন্থি কিছু অবলম্বন না করা হয়, তাহলে এ জাতীয় যাদু যদিও কুফর বা শির্ক বলে গণ্য হবে না তথাপি তা কঠিন শাস্তিযোগ্য অপরাধ। তাই যাদু এবং যাদুর সাথে সকল প্রকার সম্পৃক্ততা সম্পূর্ণরূপে পরিহার ও বর্জন করা, আল্লাহর একত্বে বিশ্বাসী প্রত্যেক মুছলমানের অবশ্য কর্তব্য।

(৮) মুছলিমদের বিরুদ্ধে কাফির-মুশরিকদেরকে সাহায্য, সহযোগিতা করা ঈমান ও ইছলাম বিনষ্টের অন্যতম কারণ। কেননা ঈমানদারগণকে আল্লাহ স্বঃ কাফির-মুশরিকদের সাথে বন্ধুত্ব না রাখার এবং তাদেরকে সাহায্য-সহযোগিতা না করার জন্য অত্যন্ত কঠোরভাবে নির্দেশ দিয়েছেন। তিনি (আল্লাহ স্বঃ) বলে দিয়েছেন যে, কাফির-মুশরিকদের সাথে বন্ধুত্ব পোষণকারীগণ তাদেরই দলভুক্ত বলে গণ্য হবে। এ বিষয়ে কোরআনে কারীমে বহু আয়াত বর্ণিত রয়েছে। যেমন- আল্লাহ স্বঃ ইরশাদ করেছেন:-

يَا أَيُّهَا الَّذِينَ آمَنُوا لَا تَتَّخِذُوا الْيَهُودَ وَالنَّصَارَىٰ أَوْلِيَاءَ بَعْضُهُمْ أَوْلِيَاءُ بَعْضٍ وَمَنْ يَتَوَلَّهُمْ مِنْكُمْ فإِنَّهُ مِنْهُمْ إِنَّ اللَّهَ لَا يَهْدِي الْقَوْمَ الظَّالِمِينَ. ٥٤

অর্থাৎ- হে মু’মিনগণ, তোমরা ইয়াহুদী ও খ্রিষ্টানদেরকে বন্ধু হিসেবে গ্রহণ করো না। তারা একে অপরের বন্ধু। তোমাদের মধ্যে যে তাদের সাথে বন্ধুত্ব করবে, সে তাদেরই অন্তর্ভুক্ত। আল্লাহ যালিমদেরকে পথ প্রদর্শন করেন না।^{৫৪}

আল্লাহ স্বঃ আরো ইরশাদ করেছেন:-

فَلَا تَكُونَنَّ ظَهِيرًا لِلْكَافِرِينَ. ٥٥

অর্থাৎ- অতএব (হে রাছুল!) আপনি কোন অবস্থাতেই কাফিরদের সাহায্যকারী হবেন না।^{৫৫}

৫৩. সূরা المائدة- ৫১

৫৪. ছূরা আল মা-য়িদাহ- ৫১

৫৫. সূরা القصص- ৮৬

৫৬. ছূরা আল কাসাস- ৮৬

মুছলমানদের বিরুদ্ধে কোন মুশরিককে সাহায্য-সহযোগিতা করার অর্থ হলো- আল্লাহর (ﷻ) সাথে, তাঁর রাছূল ﷺ ও মু'মিনদের সাথে বিশ্বাসঘাতকতা করা এবং নিজেকে আল্লাহর (ﷻ) ওয়া'দাকৃত 'আযাব ও গযবে নিপতিত করা।

আল্লাহ ﷻ ইরশাদ করেছেন:-

لَرَىٰ كَثِيرًا مِنْهُمْ يَتَوَلَّوْنَ الَّذِينَ كَفَرُوا لَبِيسًا مَا قَدَّمَتْ لَهُمْ أَنفُسُهُمْ أَنْ سَخِطَ اللَّهُ عَلَيْهِمْ وَفِي الْعَذَابِ هُمْ خَالِدُونَ. وَلَوْ كَانُوا يُؤْمِنُونَ بِاللَّهِ وَالنَّبِيِّ وَمَا أُنزِلَ إِلَيْهِ مَا اتَّخَذُوا هُمْ أَوْلِيَاءَ وَلَكِنَّ كَثِيرًا مِنْهُمْ فَاسِقُونَ. ٩٤

অর্থাৎ- আপনি তাদের অনেককে দেখবেন, তারা কাফিরদের সাথে বন্ধুত্ব করে। তারা নিজেদের জন্যে যা পাঠিয়েছে তা অবশ্যই অতিশয় মন্দ। আর তা এই যে, তাদের প্রতি আল্লাহ ক্রোধান্বিত হয়েছেন এবং তারা চিরকাল শাস্তি ভোগ করতে থাকবে। যদি তারা আল্লাহ ও নাবীর প্রতি এবং তাঁর (নাবীর) প্রতি নাযিলকৃত বিষয়ের প্রতি বিশ্বাস স্থাপন করত, তবে কাফিরদেরকে বন্ধুরূপে গ্রহণ করত না। কিন্তু তাদের মধ্যে অনেকেই দুরাচারী (ফাছিক)।^{৫৮}

কাফির-মুশরিকদের সাথে বন্ধুত্ব পোষণ করা কিংবা মুছলমানের বিরুদ্ধে তাদেরকে সাহায্য-সহযোগিতা করা হলো মুনাফিকদের বৈশিষ্ট্য। যে ব্যক্তি স্বেচ্ছায়-স্বজ্ঞানে মুছলমানদের বিরুদ্ধে কাফির-মুশরিকদেরকে আর্থিক, শারীরিক, মানসিক ও অন্যান্যভাবে সাহায্য-সহযোগিতা করবে, কিংবা তাদেরকে বন্ধুরূপে গ্রহণ করবে, সে নিঃসন্দেহে কাফির বলে গণ্য হবে।

আল্লাহ ﷻ ইরশাদ করেছেন:-

بَشِّرِ الْمُنَافِقِينَ بِأَنَّ لَهُمْ عَذَابًا أَلِيمًا. الَّذِينَ يَتَّخِذُونَ الْكَافِرِينَ أَوْلِيَاءَ مِنْ دُونِ الْمُؤْمِنِينَ أَلِيبْتِغُونَ عِنْدَهُمُ الْعِزَّةَ فَإِنَّ الْعِزَّةَ لِلَّهِ جَمِيعًا. ٥٤

অর্থাৎ- সেসব মুনাফিককে সুসংবাদ শুনিয়ে দিন যে, তাদের জন্য নির্ধারিত রয়েছে বেদনাদায়ক 'আযাব, যারা মুছলমানদের পরিবর্তে কাফিরদেরকে নিজেদের বন্ধু বানিয়ে নেয়। তারা (মুনাফিকরা) কি তাদের (কাফিরদের) কাছে সম্মান প্রত্যাশা করে? অথচ যাবতীয় সম্মান শুধুমাত্র আল্লাহরই জন্য।^{৬০}

আল্লাহ ﷻ আরো ইরশাদ করেছেন:-

لَا تَجِدُ قَوْمًا يُؤْمِنُونَ بِاللَّهِ وَالْيَوْمِ الْآخِرِ يُوَادُّونَ مَنْ حَادَّ اللَّهَ وَرَسُولَهُ وَلَوْ كَانُوا آبَاءَهُمْ أَوْ أَبْنَاءَهُمْ أَوْ إِخْوَانَهُمْ أَوْ عَشِيرَتَهُمْ. ٥٩

৫৯. سورة المائدة- ৮১-৮২

৫৮. ছূরা আল মা-য়িদাহ- ৮০-৮১

৫৯. سورة النساء- ১৩৮-১৩৯

৬০. ছূরা আন্নিছা- ১৩৮-১৩৯

৬১. سورة المجادلة- ২২

অর্থাৎ- যারা আল্লাহ ও পরকালে বিশ্বাস করে, তাদেরকে আপনি আল্লাহ ও তাঁর রাছুলের বিরুদ্ধাচরণকারীদের সাথে বন্ধুত্ব করতে দেখবেন না, যদিও তারা তাদের পিতা, পুত্র, ভ্রাতা অথবা জ্ঞাতি-গোষ্ঠী হয়। তাদের অন্তরে আল্লাহ ঈমান লিখে দিয়েছেন এবং তাদেরকে শক্তিশালী করেছেন তাঁর অদৃশ্য শক্তি দ্বারা।^{৬২}

তাই প্রত্যেক মুছলমানের উপর ওয়াজিব, কোন কাফির, মুশরিক, মুরতাদ কিংবা আহলে কিতাব তথা ইয়াহুদী-নাসারাকে বন্ধু হিসাবে গ্রহণ না করা এবং এদের কাউকে, এমনকি নিজের একান্ত কোন আপনজনকেও ইছলাম ও মুছলমানের বিরুদ্ধে কোনভাবে সাহায্য-সহযোগিতা না করা। যদি কোন মুছলিম ইছলামের এ বিধান জানা সত্ত্বেও স্বেচ্ছায়-স্বজ্ঞানে কোন কাফির-মুশরিককে ইছলাম ও মুছলমানের বিরুদ্ধে কোন ভাবে সাহায্য-সহযোগিতা করে, কিংবা তাকে বন্ধু হিসেবে গ্রহণ করে, বা তার সাথে আন্তরিকভাবে বন্ধুসুলভ আচরণ করে, তা হলে তার ঈমান বিনষ্ট হয়ে যাবে এবং সে কাফির বলে গণ্য হবে।

কেননা “লা ইলা-হা ইল্লাল্লা-হ” এই কালিমাহর অপরিহার্য দাবি হলো:- আল্লাহর সম্ভৃষ্টি লাভের নিমিত্ত শুধুমাত্র ঈমানদারগণের (আল্লাহর একত্বে বিশ্বাসীদের) প্রতি ভালোবাসা পোষণ করা, তাদের সাথে আন্তরিকভাবে বন্ধুত্বসুলভ সম্পর্ক বজায় রাখা এবং কাফির-মুশরিকদের সাথে সম্পর্ক ছিন্ন করা।

(৯) ঈমান ও ইছলাম বিনষ্টের আরেকটি কারণ হলো- ব্যক্তি বিশেষের জন্য ইছলামী বিধান থেকে বের হয়ে যাওয়া বৈধ বলে মনে করা, কিংবা ব্যক্তি বিশেষকে ইছলামী বিধি-বিধানের উর্দে বলে মনে করা।

অর্থাৎ- যদি কেউ এ বিশ্বাস পোষণ করে যে, “কোন লোকের জন্য আল্লাহর (ﷻ) প্রবর্তিত এবং রাছুলের (ﷺ) নির্দেশিত বিধান থেকে মুক্ত হয়ে যাওয়া তথা শারী‘য়াতে ইছলামিয়্যাহর অনুসরণ না করা জায়য”, কিংবা এ বিশ্বাস পোষণ করে যে, “এমন কতক ব্যক্তিবর্গ আছেন যাদের জন্য আল্লাহর বিধান প্রযোজ্য নয়”, তাহলে তার ঈমান ও ইছলাম বিনষ্ট হয়ে যাবে এবং সে কাফির হয়ে যাবে। যেমনটি অনেক ভন্ড সূফী-সাধক ও বাতিল মা‘রিফাতপন্থী লোক মনে করে।

এ জাতীয় ‘আক্বীদাহ পোষণের অর্থ হলো যে, ইছলাম সমগ্র মানবজাতির জন্য তথা ক্বিয়ামাত পর্যন্ত আগত প্রতিটি বনী আদমের জন্য আল্লাহর মনোনীত ধর্ম নয় এবং শারী‘য়াতে ইছলামিয়্যাহর অনুসরণ ও অনুশীলন সকলের জন্য আবশ্যকীয় নয়, কিংবা মুহাম্মাদ ﷺ এর রিছালাত সর্ব সাধারণের জন্য সর্বজনীন রিছালাত নয়।

এ ধরনের ‘আক্বীদাহ-বিশ্বাস পোষণ করা ক্বোরআন ও ছুন্নাহতে বর্ণিত সুস্পষ্ট প্রমাণাদী অস্বীকার করারই নামান্তর।

অথচ ক্বোরআন ও ছুন্নাহ দ্বারা অকাট্য ও সুস্পষ্টরূপে একথা প্রমাণিত যে, ইছলামই হলো আল্লাহর মনোনীত একমাত্র সর্বজনীন দ্বীন এবং মুহাম্মাদ ﷺ হলেন সমগ্র জগতের প্রতি আল্লাহর প্রেরিত সর্বশেষ রাছুল।

আল্লাহ ﷺ ইরশাদ করেছেন:-

إِنَّ الدِّينَ عِنْدَ اللَّهِ الْإِسْلَامُ. ৩৬

অর্থাৎ- আল্লাহর নিকট একমাত্র ধর্ম হলো ইছলাম। ৬৪

রাছুল মুহাম্মাদ ﷺ সম্পর্কে আল্লাহ ﷻ ইরশাদ করেছেন:-

وَمَا أَرْسَلْنَاكَ إِلَّا كَافَّةً لِلنَّاسِ بَشِيرًا وَنَذِيرًا. ৫৬

অর্থাৎ- আমি আপনাকে সমগ্র মানবজাতির জন্যে সুসংবাদদাতা ও সতর্ককারীরূপে পাঠিয়েছি। ৬৬

আল্লাহ ﷻ আরো ইরশাদ করেছেন:-

قُلْ يَا أَيُّهَا النَّاسُ إِنِّي رَسُولُ اللَّهِ إِلَيْكُمْ جَمِيعًا. ৯৬

অর্থাৎ- বলে দিন, হে মানব জাতি! তোমাদের সবার প্রতি আমি আল্লাহর প্রেরিত রাছুল। ৬৮

আবু হুরায়রাহ رضي الله عنه থেকে বর্ণিত, রাছুল ﷺ ইরশাদ করেছেন:-

أُرْسِلْتُ إِلَى الْخَلْقِ كَافَّةً، وَخُتِمَ بِي النَّبِيُّونَ. ৯৬

অর্থ- আমাকে সমগ্র সৃষ্টিজগতের প্রতি রাছুল হিসেবে পাঠানো হয়েছে এবং আমাকে প্রেরণের মাধ্যমে নাবুওয়্যাতের ধারাবাহিকতা সমাপ্ত করা হয়েছে (অর্থাৎ আমিই সর্বশেষ নাবী, আমার পরে আর কোন নাবী-রাছুল আসবেন না)। ৯০

আল্লাহ ﷻ তাঁর রাছুলকে (ﷺ) যে দ্বীন বা শারী'য়াত দিয়ে পাঠিয়েছেন, তা যথাযথভাবে গ্রহণ ও পালন করা এবং সর্বক্ষেত্রে রাছুলের (ﷺ) আনুগত্য ও অনুসরণ করা প্রতিটি মানুষের অবশ্য কর্তব্য। কেননা ইছলামের বিধি-বিধান সর্বতোভাবে গ্রহণ ও পালন করা ব্যতীত এবং জীবনের সর্বক্ষেত্রে রাছুলের (ﷺ) আনুগত্য ও অনুসরণ ব্যতীত আল্লাহর সন্তুষ্টি অর্জন এবং ইহ-পরকালীন মুক্তি লাভের অন্য কোন উপায়

৬৩. سورة ال عمران- ১৭

৬৪. ছুরা আলে 'ইমরান- ১৯

৬৫. سورة سبا- ২৮

৬৬. ছুরা ছাবা- ২৮

৬৭. سورة الأعراف- ১০৮

৬৮. ছুরা আল আ'রাফ- ১৫৮

৬৯. رواه مسلم

৭০. সাহীহ মুছলিম

নেই। কেউ যদি দ্বীনে ইছলাম ব্যতীত অন্য কোন পথ অনুসরণ করে তাহলে তা আল্লাহর নিকট আদৌ গ্রহণযোগ্য হবে না, বরং তা হবে প্রত্যাখ্যাত।

আল্লাহ ﷻ ইরশাদ করেছেন:-

وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِينَ. ১১৯

অর্থাৎ- আর যে ব্যক্তি ইছলাম ব্যতীত অন্য কোন ধর্ম তালাশ করবে, তবে সেটা তার থেকে গৃহীত হবে না।

আর সে পরকালে ক্ষতিগ্রস্তদের অন্তর্ভুক্ত হবে। ১২০

রাছুলের (ﷺ) আনুগত্য ও অনুসরণ সম্পর্কে আল্লাহ ﷻ ইরশাদ করেছেন:-

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ. ১১৯

অর্থাৎ- (হে নবী!) আপনি বলুন, যদি তোমরা আল্লাহকে ভালোবাস তাহলে আমাকে অনুসরণ করো, আল্লাহ তোমাদিগকে ভালোবাসবেন। ১১৮

অন্য আয়াতে আল্লাহ ﷻ ইরশাদ করেছেন:-

وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا. ১১৯

অর্থাৎ- যে কেউ আল্লাহ ও তাঁর রাছুলের আনুগত্য করে, সে অবশ্যই এক মহা সাফল্য অর্জন করল। ১১৬

আল্লাহ ﷻ আরো ইরশাদ করেছেন:-

قُلْ أَطِيعُوا اللَّهَ وَالرَّسُولَ فَإِنْ تَوَلَّوْا فَإِنَّ اللَّهَ لَا يُحِبُّ الْكَافِرِينَ. ১১৯

অর্থাৎ- বলুন, আল্লাহ ও রাছুলের আনুগত্য করো। বস্তুতঃ যদি তারা মুখ ফিরিয়ে নেয়, তাহলে আল্লাহ কাফিরদিগকে ভালোবাসেন না। ১১৮

তাই কেউ যদি এ ধরনের কোন বিশ্বাস পোষণ করে যে, রাছুলের (ﷺ) আনুগত্য ও অনুসরণ ছাড়া অন্য

১১. سورة ال عمران- ১১০

১২. ছূরা আ-লে 'ইমরান- ৮৫

১৩. سورة ال عمران- ৩১

১৪. ছূরা আ-লে 'ইমরান- ৩১

১৫. سورة الأحزاب- ৭১

১৬. ছূরা আল আহযাব- ৭১

১৭. سورة ال عمران- ৩২

১৮. ছূরা আ-লে 'ইমরান- ৩২

কোন পন্থায় আল্লাহর পথে চলা বা আল্লাহর নৈকট্য লাভ করা সম্ভব, কিংবা এ বিশ্বাস পোষণ করে যে, কোন লোক চেষ্টা-সাধনা বা আরাধনা করে অসাধারণ মর্যাদার আসনে পৌঁছে গেলে তার জন্য নাবী মুহাম্মাদ ﷺ ও শারী‘য়াতে ইছলামিয়াহর অনুসরণ করা জরুরী নয়, বরং এ ধরনের লোকের জন্য রাছুলের (ﷺ) দ্বীন অনুসরণ না করা, বিভিন্ন ফার্য কাজ ছেড়ে দেয়া এবং নানারকম পাপ কাজ করা জায়িয় তথা বৈধ, যদি কেউ এরূপ কোন ধারণা-বিশ্বাস পোষণ করে, তাহলে তার ঈমান ও ইছলাম বিনষ্ট হয়ে যাবে এবং সে ব্যক্তি কাফির বলে গণ্য হবে।

যেহেতু উম্মাতে মুছলিমাহর সকল ইমাম ও উলামায়ে কিরামের সর্বসম্মত অভিমত হলো যে, যে ব্যক্তি অকাট্য ও সন্দেহাতীতভাবে প্রমাণিত ক্বোরআন বা ছুল্লাহর একটি বিধানকে অস্বীকার বা প্রত্যাখ্যান করবে, সে কাফির হয়ে যাবে।

সুতরাং যে ব্যক্তি সামগ্রিকভাবে রাছুলের (ﷺ) রিছালাতকে অস্বীকার করবে, তার হুকুম যে কি হতে পারে তা তো খুব সহজেই অনুমেয়।

শাইখুল ইছলাম ইবনু তাইমিয়াহ ﷺ বলেছেন- যে ব্যক্তি এ বিশ্বাস পোষণ করবে যে, “মুহাম্মাদ এর শারী‘য়াতের অনুসরণ হতে মুক্ত হওয়া কারো জন্য বৈধ” সে কাফির এবং তাকে হত্যা করা ওয়াজিব। তিনি আরো বলেছেন- যে ব্যক্তি এ বিশ্বাস পোষণ করে যে, “আল্লাহর কিছু খাস বান্দাহ আছেন যাদের জন্য রাছুলের অনুসরণের কোন প্রয়োজন নেই”, সে ব্যক্তি ইছলাম ত্যাগকারী; মুরতাদ ও কাফির, এ বিষয়ে সকল ইমাম ঐকমত্য পোষণ করেছে।

(১০) ঈমান ও ইছলাম বিনষ্টের অন্যতম আরেকটি কারণ হলো, ধর্ম থেকে মুখ ফিরিয়ে নেয়া তথা দ্বীনে ইছলামকে উপেক্ষা ও বর্জন করা। আর তা হলো:- “ইছলামের মৌলিক ও অপরিহার্য বিষয়াদীর জ্ঞান অর্জন থেকে বিরত থাকা। ইছলামী শারী‘য়াত অনুযায়ী ‘আমাল বা অনুশীলন না করা। ইছলাম যে সব বিষয় অবশ্য পালনীয় বলে নির্দেশ দিয়েছে সেগুলো পালন না করা এবং যে সব বিষয় অবশ্য বর্জনীয় ও হারাম ঘোষণা করেছে সে সবকে বর্জন না করা। সঠিকভাবে দ্বীনে ইছলাম সম্পর্কে কিংবা ইছলামের মৌলিক বিষয়াদী সম্পর্কে জানার জন্য কোনরূপ প্রচেষ্টা না করা, কিংবা ধর্মীয় মৌলিক শিক্ষা অর্জন করার প্রতি কোনরূপ প্রয়োজন ও আগ্রহবোধ না করা। বরং শারী‘য়াতে ইছলামিয়াহর চর্চা ও অনুশীলন থেকে দূরে থাকা এবং দ্বীন তথা ইছলাম সম্পর্কে অজ্ঞ বা জাহিল হয়ে থাকতে খুশি ও সন্তুষ্টি বোধ করা। আল্লাহর আদেশ-নিষেধ লঙ্ঘন বা অমান্য করাকে কোনরূপ তোয়াক্বা বা পরওয়া না করা এবং আল্লাহর আদেশ-নিষেধ মেনে চলাকে আদৌ গুরুত্ব না দেয়া”।

এসব কার্যকলাপ স্পষ্টতো এটাই প্রমাণ করে যে, এ রকম লোক মুখে “লা ইলা-হা ইল্লাল্লা-হ, মুহাম্মাদুর রাছুলুল্লাহ” বললেও মনে-প্রাণে সে এ শাহাদাতাইনকে (কালিমাহকে) স্বীকার করছে না, বরং সে আল্লাহর দ্বীনকে উপেক্ষা ও বর্জন করছে এবং কার্যতঃ আল্লাহর দ্বীন থেকে মুখ ফিরিয়ে নিচ্ছে। আর যারা আল্লাহর দ্বীন থেকে মুখ ফিরিয়ে নেয় বা ধর্ম বিমুখতা অবলম্বন করে, তাদের সম্পর্কে আল্লাহ ﷻ ইরশাদ করেছেন:-

وَمَنْ أَظْلَمُ مِمَّنْ ذُكِّرَ بِآيَاتِ رَبِّهِ ثُمَّ أَعْرَضَ عَنْهَا إِنَّا مِنَ الْمُجْرِمِينَ مُنتَقِمُونَ. ৯৯

অর্থাৎ- এবং সেই ব্যক্তি অপেক্ষা অধিক অনাচারী কে, যাকে তার পালনকর্তার আয়াত সমূহ স্মরণ করিয়ে দেওয়া হয়, অতঃপর সে উহা হতে মুখ ফিরিয়ে নেয়? আমি এরূপ অপরাধীদের হতে প্রতিশোধ নিব”।^{৮০}
আল্লাহ ﷻ আরো ইরশাদ করেছেন:-

وَالَّذِينَ كَفَرُوا عَمَّا أُنذِرُوا مُعْرِضُونَ. ৯৮

অর্থাৎ- এবং যারা কাফির, তাদেরকে যেই বিষয়ে ভীতি প্রদর্শন করা হয়, তারা উহা হতে বিমুখ হয়ে থাকে (তারা সেদিকে দ্রক্ষেপ করে না)।^{৮২}

অন্য আয়াতে আল্লাহ ﷻ ইরশাদ করেছেন:-

قُلْ أَطِيعُوا اللَّهَ وَالرَّسُولَ فَإِن تَوَلَّوْا فَإِنَّ اللَّهَ لَا يُحِبُّ الْكَافِرِينَ. ৩৮

অর্থাৎ- বলুন, আল্লাহ ও রাহুলের আনুগত্য করো। বস্তুতঃ যদি তারা মুখ ফিরিয়ে নেয়, তাহলে আল্লাহ কাফিরদিগকে ভালোবাসেন না।^{৮৪}

যারা মুখে ঈমানের কথা বলে কিন্তু কাজে তা প্রতিফলিত করে না, অর্থাৎ ইছলামী শারী‘য়াত অনুযায়ী ‘আমাল করে না, তাদের সম্পর্কে আল্লাহ ﷻ বলেছেন যে, তারা ঈমানদার নয়। আল্লাহ ﷻ ইরশাদ করেছেন:-

وَيَقُولُونَ آمَنَّا بِاللَّهِ وَبِالرَّسُولِ وَأَطَعْنَا ثُمَّ يَتَوَلَّى فَرِيقٌ مِنْهُمْ مِّنْ بَعْدِ ذَلِكَ وَمَا أُولَئِكَ بِالْمُؤْمِنِينَ. ৫৮

অর্থাৎ- তারা বলে, আমরা আল্লাহ ও রাহুলের প্রতি বিশ্বাস স্থাপন করেছি এবং আমরা আনুগত্য করি, কিন্তু অতঃপর তাদের একদল মুখ ফিরিয়ে নেয় এবং তারা ঈমানদার নয়।^{৮৬}

অতএব যে ব্যক্তি শারী‘য়াতের দৃষ্টিতে গ্রহণযোগ্য কোন ‘উয়র (কারণ) ব্যতীত দ্বীনের মৌলিক বিষয়াদীর

৯৯. سورة السجدة- ২২

৮০. ছুরা আছ ছাজদাহ- ২২

৮১. سورة الأحقاف- ৩

৮২. ছুরা আল আহক্বাফ- ৩

৮৩. سورة ال عمران- ৩২

৮৪. ছুরা আ-লে ‘ইমরান- ৩২

৮৫. سورة النور- ৪৭

৮৬. ছুরা আননূর- ৪৭

জ্ঞান অর্জন থেকে এবং তদনুযায়ী “আমল করা থেকে বিরত থাকবে, তার ঈমান ও ইছলাম বিনষ্ট হয়ে যাবে এবং সে কাফির বলে গণ্য হবে।

গ্রন্থসূত্র:-

- ১) আশ্ শাইখ আল ইমাম মুহাম্মাদ ইবনু ছুলাইমান আত্ তামীমী রচিত “কিতাবুত তাওহীদ”।
- ২) আশ্ শাইখ আল ইমাম মুহাম্মাদ ইবনু ছুলাইমান আত্ তামীমী প্রণীত “কাশফুশ্ শুবুহাত”।
- ৩) আশ্ শাইখ আল ইমাম মুহাম্মাদ ইবনু ছুলাইমান আত্ তামীমী রচিত “উসূলুদ্ দ্বীন আল ইছলামী মা‘আ ক্বাওআ‘য়িদিল আরবা‘আ”।
- ৪) আশ্ শাইখ ‘আব্দুল্লাহ ইবনু জারুল্লাহ বিন ইবরাহীম আল জারুল্লাহ রচিত “আল ইছলাম ওয়াল ঈমান ওয়াল ইহছান”।
- ৫) আশ্ শাইখ ‘আব্দুল আযীয ইবনু ‘আব্দিল্লাহ ইবনু বায সংকলিত “আল ‘আক্বীদাতুস্ সাহীহাহ ওয়ামা ইয়ুযা-দ্দোহা”।
- ৬) আশ্ শাইখ জামীল যাইনু রচিত “আরকানুল ইছলাম ওয়াল ঈমান ওয়াল ‘আক্বীদাহ আল ইছলামিয়্যাহ।
- ৭) আশ্ শাইখ ‘আব্দুল্লাহ ইবনু আহমাদ আল হুয়াইল সংকলিত “আত তাওহীদুল মুইয়াছ্ছার”।
- ৮) আশ্ শাইখ ‘আব্দুল্লাহ ইবনু ‘আব্দির্ রাহমান আছ্ ছা‘আদ রচিত “শরহ্ নাওয়াক্বিযিল ইছলাম”।
- ৯) আশ্ শাইখ মুহাম্মাদ ইবনু সালিহ্ আল ‘উছাইমীন রচিত “শারহ্ ছালাছাতিল উসূল”।